

Cantante Ily a lanza un interesante videoclip cu su cancion nobo 'Sigui Bay'

ORANJESTAD (AAN): Un bunita cancion, fenomenal mensahe, y cu un produccion audiovisual perfecto, asina por describi e videoclip nobo cu e cantante local Ily a lanza recientemente. E cancion ta titula 'Sigui Bay'.

Di e forma aki, Ily despues di su exito "Un anochi so" ta pone den circulacion su di dos tema promocional.

Hopi hende conoce Ily como un dama hoben, kende semper a participa den diferente Festival di Cultura y su participacion e no a laga esaki un banda tampoco.

Su amor pa cultura ta data for di su infancia y semper cu haya e oportunidad pa participa e lo haci'e tambe. Su participacion na e festivalnan aki el a logra di yega di ta riba e lista di finalistanan.


Ily a laga sa, cu cantamento ta su terapia y un forma di por un expresa su sentimento di forma explosivo, su prome biaha riba escenario tabata na edad di 17 aña y for di eynan esey tabata e "Jump start" pa tuma canto mas na serio.

T'e asina leu cu el a dicidi di tuma e pen y skirbi su prome composicion na su mes sobrina p'e por participar na un festival, tras di su number tin e cancion titula "Dune un man", "Streya Cora" entre otro.



Pero su pen no a para keto na lo cultural, tabata 2 aña pasa, den pleno pandemia el a cuminsa compone pa ensambla esaki den diferente genero. Cu tur e composicion nan aki den su man el a acerca diferente arreglista pa elabora e parti musical pa cada obra di dje.

Aki DIARIO por menciona por



ehempel, su tema "Un anochi so" e arreglo tabata den man di Candred 'Shuby' Lanoy y den e

tema nobo aki "Sigui bay" e arreglo a ser ensambla pa Migi Boss.

E otro proyecto nan musical cu Ily tin prepara lo conta cu e colaboracion di entre otro Dwight Leoneta y Denny Loefstop, pero Ily a pone bon cla cu e otro proyecto nan musical lo ta completamente varia.


A compronde cu su prome cancion, a yega di posiciona su mes number #1 riba "Hashtah #18", "Bomb di siman na Blue 107.5 FM", "Plataforma Farandulero" Top 5 di aña na Bonaire, nomina tambe p'e premiacion "Wiri di Oro" banda di Buleria, Jell-yz y Shine Music. Tambe el a figura den "Top 100" di aña na diferente stacion di radio.

Su tema nobo "Sigui Bay" ta relata un situacion cu kizas por a pasa directo of indirectamente cu bo mes of bo entorno.

Ily ta duna un descripcion di su tema nobo cu ta como lo siguiente: "Esaki ta bay riba di un relacion nobo y e ex-pareha ta keda insisti den e relacion actual, pero n'e mesun momento tin un otro storia hinca den otro. Un pareha cu a bay introduci su chick na su mayornan y e mama no ta keda contento cu su yiu y no kier p'e relacion sigui. Pero tog e yiu homber ta dicidi di continua su bida/relacion cu'e chick apesar di no tin e aprobacion di su mama." E videoclip por wordo mira na:

www.bit.ly/siguihay

Den e video clip cu a ser filma y produci complemente door di Dani Cruz na Aruba mes, ta ser ilustra un caso hipotetico di e storia.



Idelien Geerman cu su nomber artistico, 'Ily' lanzando e cancion 'Sigui Bay' na forma grandi.